

李中柱帶部巡視，彈壓招撫，與中柱同遭難於官橋墟鴨母橋堡，所部兵目李文初、吳德先、劉勝才、周日昇、呂振新、梁德標、陳承初、何善慶、陳有勝、蘇祥初等均殉焉。各界開會追悼，公議將德西與李中柱及目兵等十二牌位，配享忠義祠，後復被龍濟光所委知事陳謨毀之。妻李氏，貧不能守，無子，父雀堂，現七十餘歲，困苦殊難度日。（黨史會藏中國同盟會時期「史料滙編」）

編一）

楊鶴齡

採訪員陳春生

中山楊鶴齡先生與孫中山先生提倡革命爲最早，清吏目爲四大寇之一。四大寇者，香山（今改中山）孫逸仙，新會陳少白，順德尤列，及先生也。先生喜談諧，曾以四寇堂榜其廬，因其生性恬澹，不慕榮利，鼎革後未嘗作官，故無赫赫之事功可紀，世人罕知其名，或誤以爲彼即楊衢雲者，亦以其無顯著之事蹟耳！先生既不作官，又不事家人生產，是以處境恆窘。中山先生開府吾粵時，命有司月饋養老金五百。又憫其老而喪偶，贈金使續娶盧氏女，中山先生之待遇如是，其交誼之淺深可知矣。先生於反正之前，曾服務於香港中國日報，春生於此與之共事，故知之最深。近年先生隱居濠鏡，患哮喘症，且體過胖，步履維艱，今（廿三年）春以貧病交侵，函告知已諸同志訴所苦，蒙國府林主席子超、孫院長哲生等，爲言於中央黨部，議決贈以五千金，俾資調攝。

近月來精神尚好，飲啖如常。詎八月二十九日亥刻，風痰遽作，遂溘然長逝。先生生於民國紀元前四十四年六月十二日亥時，計享壽六十七歲。澳門國民黨支部聞耗，即電西南執行部政務委員會、省政府、省黨部、革命紀念會，請予明令褒揚。其電文如左：

（銜略）楊鶴齡先生，豔日亥時壽終澳寓，翌辰大殮。緬維總理與楊先生首倡革命，功在黨國，請賜明令褒揚，給費治喪，以慰先靈，藉資興感。鵠候訓示。中國國民黨澳門支部謹叩，豔。

是夕各基督教徒及黨部同志，紛臨弔唁。九月四日爲出殯期，是日上午十二時，由水坑尾斜巷即青磚巷十四號楊府先行宗教祈禱禮，發引起行，直至鏡湖醫院長亭，舉行辭靈禮。是日各界參加執紼者數百人，情形極爲哀悼。茲將中央執行委員會西南執行部褒卹令錄下：

楊鶴齡同志，性行高潔，器識宏遠，早歲助勸總理倡導革命，厥功甚偉。民國肇造，退隱家園，功成不居，尤足矜式。茲聞溘逝，軫悼良深！特給治喪費壹千圓，並派秘書處第一股長黃詠臺前往治喪，爲示篤念革命同志之至意。常務委員陳濟棠、胡漢民、白崇禧、鄒魯、劉紀文、林翼中。

先生生時雖韜光養晦，名不顯於當世，而死後却爲世所重，報紙多褒美之詞，而寶其遺墨，雖得其片紙隻字，猶珍若拱璧。

楊鶴齡之遺墨

天光

革命先進「四大寇」之一楊鶴齡，月前壽終溘厲，元老云亡，河山失色，聞者靡不痛悼之。當其靈柩厝于鏡湖醫院義莊之日，素車白馬，絡繹于途，遠近來執紼者殊多衆。先生云亡矣，雲山蒼蒼，江水央央，殊使人生後覺何從之感也。先生半生奔走革命，死後大小各報多有載其生平事蹟，茲不贅述。今所欲紀者，則先生之最後遺墨也。楊自退居濠江後，蒿目河山，曾無片好。且年來中原多故，外侮頻仍，不禁悲愴欲絕，日罄三杯，聊以解愁。嗜之稔，不覺習之深，恒於人前舉杯轟歡，雖不致醉則爲醺，然使酒罵座，時發爲牢騷之談，痛斥執政者日非，知楊憂國心深也。楊飲必杞菊，謂能補元氣。當其彌留時之前數句鐘，尙以字條囑家人携之兆豐酒米庄，取歸元杞菊酒十五斤。時爲八月廿九日亭午，不料該日下午九時，遽歸道山。該字條乃成最後遺墨。茲得其墨蹟製版。並儷以文誌本欄。字條云：「取歸元杞菊酒拾伍斤，卽送至水坑尾巷拾肆號收銀可也。兆豐酒米莊，八月廿九號。楊鶴齡字。」

春生與先生訂交數十年，平時書札往還，不可數計，茲檢出數紙以備選擇留傳。其中有關於黨事者，堪稱真確不磨之史料也。先生爲嶺南碩學簡竹居先生弟子，非不能文者，但因與春生爲忘形交，每因懶於執筆，時使春生代庖。先生無子，以其弟之子華日爲嗣。華日係士丹佛大學經

濟碩士，加省公立大學免費通儒生。茲將先生之遺札，擇其有關黨史者，照錄於後，併附呈原函，

濟碩士，加省公立大學免費通儒生。茲將先生之遺札，擇其有關黨史者，照錄於後，併附呈原函，前數年先生以小照見贈，神采奕奕，茲並附呈，俾永留紀念。

函稿錄後

爲黃詠商林喜智等請撫恤遺族函

春生志兄台鑒：別來數月，寤寐難忘。前月接手書，知兄已就大同副主筆之職，我心甚慰。弟自二月在省晤兄後，至今足跡不到城市者數月矣，屢欲修函奉候，但覺得一部十七史不知從何說起，祈爲見原。茲有兩事，請兄代爲捉刀可乎？一係爲黃詠商請政府給遺族撫恤金事，黃君名在學說，始謀革命，出資畫策，厥功甚偉。今遺下黃夫人，家計蕭條，饔飧不給，殊堪憫惜。其二中山（即指孫中山先生）之第三胞妹，適中山東鎮邊墟西江里林喜智爲妻。其妹已於前幾年棄世，林君昔在舊金山經商，積有多少貲財，中山至舊金山，招呼中山不遺餘力，郎舅極相得，反正後還鄉，中山以時週恤其家。其妹遺下一子名林鏡，聰明勤奮，中山愛之，安置他在執信學校肄業。中山棄世，孫宋夫人繼給膏火，夫人去國，輟學至今。此子有美術天才，求政府至好議給一份養老年金，並供給其子讀書費，此舉實義不容辭，兄祈爲我作一信稿，擬就寄來，弟抄過寄分會可也。費神爲感。敬請儼安。弟楊鶴齡謹啓。九月廿六。（按黃詠商同志係輔仁文社一分子）

爲程耀臣請恤遺族及爲中山先生之母兄母舅等表彰函

春生志兄足下：自得接吾兄爲小兒華日擬稿領學費後，不通音訊，廿日有多矣。近況何如？至以爲念。政分會之書，係四號日寄去，現時尚未有消息，我以爲求之必得，但欲急不能耳！兄以爲然否？茲有幾件事，又要求兄便中爲我吐學士之心肝矣！一爲程耀臣請恤遺族事。程先烈係舍姪心如之外父，乙未之役，心如兩翁婿奉弟命追隨孫先生，在省謀舉義，事敗，心如與先生（即指中山先生）鄭弼臣等走澳門，過香港，不及於難，程先烈則與朱邱陸同時被擒，陸君已成爲流血之祖，程君在獄多年，備受慘刑，卒之庾死獄中，爲革命家散人亡，慘不忍言。後由程君之兄以一子繼之，今年已十七、八矣，請政府安置伊子入學堂。一爲孫總理之母楊氏，乙未失敗，孫氏盡室走檀島。未反正前，孫眉先生（即中山先生之兄壽屏）在九龍設機關，接母歸來，卒於民國紀元前一年，艸葬於寶安縣百花林，（按中山先生太夫人葬地，實名百花亭，楊先生誤作百花林，地在將軍澳附近。）以總理之母，應該國葬。一爲孫眉公二次革命失敗後，鬱鬱不得志，卒於澳寓，推倒袁政府之後，始遷葬翠亨，以孫眉公毀家百萬，贊助其弟進行革命，卒之推倒滿清，建立民國，厥功偉矣！其子孫昌，又死於國事，例應國葬及鑄銅像，不待言矣！又孫眉公之妻舅譚弼，今年六十餘矣，孫先生在檀創立興中會，彼則首先贊成，並幫助籌款，不避艱險，其功比之夏伯子，有過之無不及。夏伯子已得年金，凡屬檀山華僑，無不知之，以孫氏舅父之親，雖

無功亦當得年金，況有功者乎？兄暇時爲我艸創一稿寄來，弟當即抄寄政分會可也。屢屢費神，感激不盡，先烈有知，定當結轉銜報，以報盛德矣。專此，敬候雙安。弟楊勳齡頓。十一月廿

無功亦當得年金，況有功者乎？兄暇時爲我艸創一稿寄來，弟當卽抄寄政分會可也。屢屢費神，感激不盡，先烈有知，定當結艸銜環，以報盛德矣。專此，敬候雙安。弟楊鶴齡頓。十一月廿四日。

爲朱邱鄭楊諸先烈請恤遺族建墓立碑函

春公同志再鑒：前書寄後，忽憶及幾位先烈應該爲之請願者，吾兄爲弟擬稿時，順筆提及可也。革命先烈如朱邱，（我忘其名，未知兄可查得否？按朱名貴全，邱名四）鄭弼臣、楊衢雲、黃詠商等，皆轟轟烈烈，前清聞風喪膽者，政府應訪其遺族，興滅繼絕，取其遺骸，爲之建墳立碑於當衆地方，以資後人景仰，兄以爲然耶否耶？鶴齡又啓。廿四日。（黨史會藏陳春生撰「革命先進楊鶴齡先生事略及其有關黨史之遺墨」原件）

附錄

楊鶴齡略史

楊鶴齡，廣東香山翠亨村人。生於澳門，一富家子弟也。爲人亢爽不羈，喜諧謔，自幼識孫

楊鶴齡

先生。以父業多在香港澳門，獨闢一樓，備友朋聚讀之所，時與孫先生數晨夕於其上。求學廣州時，與尤列爲同學，尤亦於此時得識孫先生。楊暮年家日衰落，妻死無子，亦不再娶，困守澳門，僦屋以居。孫先生篤念故舊，每有餽贈，使無不給。今仍健在。（著者按，陳少白先生作此文已多年，楊氏至今是否仍健在，未得而知。）（鄒魯編著「中國國民黨史稿」第四篇，民國三十三年八月）

廖傳昭

廖傳昭，字璞純，安徽鳳臺人。賦性沉毅雄遠。年二十二，隨兄海粟等投筆從戎，始入安徽常備軍爲兵，繼挑入步兵弁目訓練班，卒升入本省講武堂畢業。乙巳同盟會成立於東京，吳暘谷爲皖主盟人，丙午夏，暘谷歸皖，徵收會員，當時安徽革命團體早有岳王會維新會之組織，至是遂合組同盟會安徽支部，傳昭亦於是時加入焉。戊申與熊成基之役，事敗，僅以身免。自是潛伏皖北，專事秘密工作。辛亥廣州之役，傳昭謀以宿州響應，不成，迄武昌首義，始得與王慶雲、袁家聲、張滙滔等組淮上國民軍。九月十五日光復壽州，傳昭任第八路統帶，旋奉命東征，以次略定鳳陽靈璧宿州泗州懷遠，斷清兵南北交通。十月十三日，隨兄海粟及從兄盤箴等，與張勳五倍之衆，遇於蚌山，彈盡援絕，繼之以肉搏，卒之張勳潰逃，而傳昭亦裂腹流腸以死。民國元年，安徽都督柏文蔚，聞其事於總統府，得請優卹，建祠樹碑於壽州蚌山以彰之。年二十八。妻